



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Antonii Sanderi Presbyteri, S. Th. Licentiati Hagiologivm
Flandriae Sive De Sanctis eius Prouinciae Liber vnus**

Sanderus, Antoine

Antverpiae, 1625

Ida Virgo Et Martyr. Gandaui.

urn:nbn:de:hbz:466:1-10172

IOANNES EREMITA

Gandau.

29. Sept. **N**atione Gandauensi vulgo Eremita S. Claudi⁹ nuncupatus, ideò fortassis, quod ad S. Claudij fanum in Burgundia celebre, piam sæpius peregrinationem instituisset. Ob sanctitatis opinionē Regibus Galliæ & Angliæ tunc inter se belligerantibus carus fuit. Obiit autem anno 1419. Trecis in Campania mortuo cadaveri in eo coenaculo ubi obierat mero meridie ignea columna diutissimè apparuit. Sepultus est ibidē apud Dominicanos, & è terra eleuatus per Ludouicum Episcopum Trecensem petente Ludouico XI. Gallorum Rege: qui & per litteras instituit pro eius Canonizatione ut fusè narrat Nicolaus Camuzæus in Promptuario antiquitatum Trecensium anno 1610. edito. Plurimis eum viguisse suo tempore miraculis testatur idem Ludouicus Galliæ Rex in suis ad Romanum Pontificem litteris. Inter alia suo patri masculam spopondisse prolem quæ post ipsum pacificè regnum Galliæ possideret, Anglorum verò Regi nolenti pacem, citam prædixisse mortem, quæ & subsecuta est. Vide dictum Promptuarium fol. 322. & sequentibus.

IDA VIRGO ET MARTYR.

Gandau.

20. Jun. **H**ac die, inquit Molanus, depositio sanctæ Idæ, cuius corpus quiescat Gandau in Paroeciali Ecclesia sancti Ioannis, qui nunc est Cathedralis S. Bauonis. Natalem tamen eius Canonici non celebrant, quid autem fecerit
Parochia.

Parochialis cleris ante eorum aduentum ignorant. Illud tamen in confessio est magnam olim in Ecclesia sancti Ioannis peregrinationem multamque populi deuotionem in die obitus sanctæ Idæ ad eius altare ac tumam contigisse. Sed quæ postea superuenerunt in eandem Ecclesiam Diuorum Bauonis, Leuini & aliorum celeberrimæ, certissimæque Reliquiæ, videntur memoriam sanctæ Idæ velut obscurasse, cum autem Cornelius Ianzenius primus, fœlicis recordationis Episcopus feretra Ecclesiæ suæ visitaret, quæ annis ferè duobus ob Guefiorum persecutionem, in locis secretis ac subterraneis latuerant, in vnius scrinij schedula reperit scriptum Reliquæ sanctæ Idæ Virginis & Martyris, cum tamen historia, quæ in manuscripto quodam libro in veteri Ecclesia Diui Ioannis seruabatur, habeat eam matrem suissè sanctæ Ursulæ, & de martyrio ipsius nullam faciat mentionem, sed utrumque hoc est, Reliquiæ in munda linteis, & in nouum feretrum sunt translatæ.

IOANNES MOTA.

Eques auratus, vir religiosissimus & sanctus nominatur ab Harduino in manuscripto Diuorum Flandiæ catalogo.

IONATVS

Abbas Marchianensis.

Amandus Traiectensis & Aubertus Cameracensis i. *Ang.*
Episcopi Monasterium Marchianense à B. Rictude
Adalbaldi Ducis Duacensis vidua constructum in honoré

Q 3

SS. Pe-